

ME TAKATŪ KA PŌTI. HE PĒNEI I TE KAUTE 123 TE NGĀWARI.

Ko te tau pōti tēnei – ka whai wāhi koe ki te kōwhiri mā wai e whakahaere te motu me te momo tikanga pōti mō te kōwhiri i ngā Pāremata . He ngāwari te pōti. Me whai noa i ēnei hātepe e toru.



ME WHAKAURU INĀIANEI KI TE PŌTI!

ME MĀTUA WHAKAURU KOE MĒNĀ:

- He kirirarau koe, he kainoho tūturu rānei nō Aotearoa; ā,
- 18, pakeke atu rānei ō tau; ā,
- Kua roa ake i te kotahi tau te iti rawa e noho pūmau ana i Aotearoa.

HE NGĀWARI TE WHAKAURU. ME WHAKAKĪ NOA I TĒTAHI PUKA WHAKAURU. ME TIKI TĒTAHI MĀ TE:

- Pato waea kore utu i tō ingoa me tō wāhi noho ki 3676
- Te toro ki www.elections.org.nz, ki www.ivotenz.org.nz rānei
- Waea kore utu ki 0800 36 76 56
- Te toro rānei ki tētahi PostShop

Kaua e waiho kia tino tata atu ki te rā kati. Whakauru ināianei, kātahi ka tino māmā te pōti ina tae mai te rā pōti.

Ki te neke whare koe me whakahou e koe ō kōrero whakauru mā te whakauru anō.



HE NGĀWARI TE PŌTI

HERIA TŌ KĀRI EASYVOTE ME KOE INA PŌTI KOE. KA NGĀWARI AKE TE PŌTI.

Ka whiwhi koe i tētahi kāri EasyVote me tētahi mōkihi pārongo i roto i te mēra mēnā ka whakauru koe i roto i te wā tika (he marama i mua i te rā pōti).

Mēnā kāore tō kāri EasyVote ka āhei tonu koe te pōti.

I te rā pōti, ka tū he wāhi pōti tūtata ki a koe.

Ka taea e koe te pōti tōmua, mēnā kāore koe e tae ki tētahi wāhi pōti i tō rohe i te rā pōti.

KA WĀTEA NGĀ KAIMAHI PŌTI KI TE ĀWHINA I A KOE MĒNĀ E HIAHIA ANA KOE, KA HERI RĀNEI KOE I TĒTAHI HOA, WHANAUNGA RĀNEI I TŌ TAHA.



INA PŌTI KOE

I TĒNEI TAU KEI TE TŪ TĒTAHI TĀPAETANGA PŌTI MŌ TĀ TĀTAU PŪNAHA PŌTI I TE WĀ O TE PŌTITANGA.

Ina pōti koe ka whiwhi koe i ngā pepa pōti e rua;

1. Tō pepa pōti Pōtitanga Whānui ārani – mō te pōti i te rōpū me te kaitono ā-rohe e hiahia ana koe hei māngai mōu i te Pāremata

2. Tō pepa pōti Tāpaetanga Pōti waiporoporo – mō te whai wāhi mō te whakamahitanga o te pūnaha pōti hei kōwhiri i ngā Pāremata i ngā tau e tū mai. Ka pātaihia koe:

- mēnā ka hiahia koe kia mau tonu ki te MMP, te huri rānei ki tētahi atu pūnaha pōti, ā,
- ko tēhea o ngā pūnaha pōti e hiahia ana koe mēnā e hiahia a Aotearoa ki te whakarere i te MMP.

KEI TE HIAHIA KOE KI TE WHIWHI MŌHIO ANŌ? • Waea kore utu ki 0800 36 76 56 • www.elections.org.nz • www.ivotenz.org.nz

Whakaputahia te kōrero. Kōrero atu ki ō hoa me tō whānau mō te ngāwari o te whakauru me te pōti. Mō ngā pārongo i roto i tētahi atu reo haere ki www.elections.org.nz